

海國公餘輯錄

黃遵憲署檢

海國公餘輯錄

黃通憲君編

海國公餘輯錄卷五

嘉應張煜南榕軒輯

弟鴻南耀軒校

目錄

序

送禹定歸松江小序

送許竹簣侍講出使序

趙銘

贈西士傅蘭雅纂格致彙編序

薛福成

宴深柳堂序

跋

出使英法義比四國跋

薛福成

軼事

是真善人

節凜松筠

徐孝女殉母

跛乞傳


娶一得兩

雷殛異聞

破鏡傷目

門丁作惡

高樓特誌



木龍誌異

異聞特誌

海外桃源

奇技遙傳

海蟒特誌

山海誌奇

寢饋三國

賦

熙朝大一統賦

如赤縣神州者九賦

許郊

詩

通蕃事蹟石刻歌

蕭掄

觀都基國人馬戲歌

疇人歌

徐灝

西洋八音匣歌

李梅

西人以鏡映真歌

王之春

游博物院觀畫

閱克魯伯礮廠

火輪船歌

龔易圖

汶山熱水歌

感懷

阿芙蓉歌

憫山民

鄒城孝婦行

孝女行

大風行

苦荒行

武備學堂

贈翰墨林陳秉章

送新嘉坡領事左子興

蘇時學

吳昇

黃道讓

黃道讓

王之春

維多利亞花

游萬生園

山西水旱災詩

薛福成

王之春

海國公餘輯錄卷五

嘉應張煜南榕軒輯

弟鴻南耀軒校

送禹定歸松江小序

謝庭離別風景生愁楚客將歸登臨增感余與禹定
齊山吳水兩鄉方千里而遙夕几晨窗一日有三秋
之感乃者起蓴鱸之興日返江東遂令深瓊樹之思
魂縈天末況余多愁善病常如江淹庾信之年當茲
弭棹停驂何殊謝朓范雲之日復此北征南邁班馬
同鳴自今零雨晨風離鴻各逝豈但擬大白之賦陽
春至而增愁庶幾如秦青之歌行路聞而泣下

送許竹簣侍講出使序

夫英猷遐薦必爭壇坫之光奇儁挺生不限區陬之
識是以飛矢在上轉轂方道運籌於中折衝斯遠然
而端木連鑣於四國延陵結紵於五邦僅涉中華未
踰稗海若乃仙槎西指渺渺星河紫氣東來暉暉陽
谷小朱昂之萬卷目隘寰中大鄒衍之九州身馳域
外面臨歧贈策繾綣平生祖道傾尊流連日夕情之
所軫儻可言歟許子竹簣訂交樵李通籍蓬萊校篇
則井絡騰文蘊略而滄溟入抱屢陳

封事密叶

神謨博覽宗彝殫精大約出持三山之節風引船回
歸侍雙闕之班日臨仗曉茲以今年甲申四月由翰
林院編修補授侍講尋拜

恩命奉使泰西

釐禁分符輔之英蕩

麟臺入對重以國書九能造命之才五善周咨之選
非徒資黼黻定訃謨也柔遠之經字小之道將於
是乎寄焉泰遠不隔乎帡幪韞蓄能達其聲教攷其行
輶所至曰德意志曰法蘭西曰意大利曰和蘭曰奧
大利亞之數國者皆在黃道以北黑海之西夷堅所

不志章亥所未步也使指有歸請爲揚摧昔者晉要
子駟惟疆是從秦背令狐惟利是視今之絕域積有
斯風充狙欲而求馴時虎飽而殺怒君子懼焉抑知
官非都護道在羈縻憑一介之遙通示八荒之無外
大州之涉信及豚魚敝邑之閒取其麋鹿相與捐細
故尋舊盟採白狼槃木之歌守黃龍清酒之約若是
者爲締交大秦古寺曾祀祆神首善書院乃來教主
膜拜咸於竺國威儀虐於帝師意大利寶始濫觴法
蘭西於焉樹幟遂使爲叢毆爵升木教猱雖難語以
草心當隱使之帖耳若是者爲弭蠻飛車入貢楊矢

來庭學神弩於眉珠賦寶刀於大食古來利器半出
窮荒德意志者席戰勝之威侈鉤強之備戈船橫海
鬪艦若山槍飛火以雷轟礮發機而霆駭銀誇飾杖
鐵號迦沙則以如令之智囊儲征南之武庫總其岸
機莫我鯨濤若是者爲肄武時購德國鐵艦二本云
將弁在洋學駕以故云
門關稽稅周漢相沿市舶置司宋元彌盛夷攷南洋
列埠叛自和蘭爰及

神州益通旁國行繒絮於徼外植葡萄於苑中數焉
民資蹊牛論罰然而宏羊輶算非西域所得爭李牧
市祖詎北庭之可貸雖崇大體貴示微權若是者爲

阜商交聘者錯於途迂勞者待於培重門洞啟邸舍
宏開彼呼中土爲仙宸我履滄瀛若平地亦知秦爲
大鳥未可獨招佛視海鷗無妨狎處於以靖邊饒治
國聞游紀而發金壺宅交而辨銅標若是者爲測微
長春西游之記劉郁西使之編圖在職方垂爲掌故
以之上窮倚柱下察廣輪山川風土之殊政教器名
之別犁耆善眩波斯多珍有異必按無奇不錄證周
髀四隕之說拾疇人允算之遺若是者爲蒐佚且夫
縱橫者才也凝靜者志也前滿者化也潤色者文也
君以專對之詞曹爲識時之佐傑披卻道窾漆園之

旨可尋排難解紛魯連之風何遠競綵胥泯非繞指
以爲柔謀斷兼資且虛心而集益必能燭機於先兆
繼好於後來至於藻采所敷華風與被雞林市上定
傳居易之詩吐谷牀頭行庾子昇之卷瑤林珠樹地
望爭誇電策颺輪天機欲舞彼都士女豔李揆之姓
名異域公卿服徐陵之翰札子弟置諸莊嶽齊傳幸
其無咻出洋學生赴德國各職習藝者由使館考校金水產自雲洲楚材
信其可用中土機器製造物料多自西國購來此又俱歸陶鑄益富雕
鏤寫賓館之餘閒足道山之清話者矣僕馮居易老
燭武無能垂白相嘲勝青滋愧比值輶軒之出首

初木之津槐雨浣襟蘭風振袂相思煙墨話文字之
前緣極目滄浪悵帆檣之遠渡攬轡且難乎爲別贈
車則不若以言爲送飛鴻藉當前馬鑿空萬里敢期
博望之受封報最三年再俟韓侯之人觀